

2
8
35
Q. D. B. V.
DISSERTATIONEM MEDICAM

De
SUCCINO

Gratiosissimæ Facultatis Medicæ
Consensu

IN ILLUSTRISALANA

PRÆSIDE

DN. THEODULO KEMPERO,

Medicinæ Doctore,

publico Philiatrorum examini submittit

AUTOR

Gottfried Wilhelm Blumenberg/ Schneeberg.

in Auditorio Medico

horis consuetis

ad diem XX. Decembr. M DC LXXXII.

JENÆ,

LITERIS KREBSIANIS.

MAISON MARQUAISE

315C110

Gravelly and pebbly



PROOEMIUM.

Inter omnia, quæ remedium loco ad
immensam morborum cohortem
mortalibus indulgit divina bonitas, nul-
la majori se commendant efficacia,
quam quæ ex terræ visceribus eruuntur, & generali
Mineralium titulo veniunt. Unde quoque ea intan-
tum hodiè præ reliquis extulere caput, in quantum,
ut Poeta canit,

... lenta solent inter viburna cupressi.

Et quidni mineralia præstantiâ superent reliqua &
vegetabilia & animalia, quippe quæ, quicquid ha-
bent virtutis, à terra mutuò quasi accipiunt. In terræ
enim gremio concentratæ delitescunt tales particu-
læ, quæ diversissimarum virtutum medicamentosa-
rum vera ac unica principia existunt, quæque exinde
succis nutritiis variis permixtæ in vegetabilia pariter
ac animalia demum parciori vel liberaliori manu
dispensantur. Præter itaque meritum plurima ex mi-
nerali regno apud Veteres Medicinæ proceres malè
audiebant ac cane pejus & angue fugiebantur. Licet
enim venenositate subinde suspecta esse soleant, illa

tamen vel nulla omninò est, vel pyrotechniæ ope mitigari adeò ac tolli potest, ut nec ullum planè nocumentum ab ea metuere debeamus. Et mirum sanè est, eos, qui mineralia plusquam Vatiniano prosequabantur odio, sibi adeò temperare non potuisse, ut ab eorum usu abstinuerint, quàm potius summis nonnulla extulerint laudibus. Prodeat in scenam & dictorum fidem faciat *Succinum*, cujus egregios in variis morbis usus omnium ætatum Medicinon latitis de prædicare potuere. *Val. Cordus in Dioscoridem* illud inter præcipua numerat, quæ Deus ad hominum usum condidit. Remediū itaque hujus reverà polychresti, auroque & ostro carius habendi dignitas me quoque ad intimiorem sui per investigationem non tam invitavit, quam pertraxit. Quare naturam & doctes ejus eximias fusiùs paulò præsentī dissertatione exponere animo constitui. Quod ut feliciter cedat, *adspiret, quæso, Deus & fortuna labori.*

CAPUT I.

De

*Succini etymologia, origine,
essentia & differentiis.*

§. I.



Ntèquam ipsius Succini penetralia investigemus, nomina, quæ τὰ τῶν ὀντων νοήματα haud præter rem dicantur, brevissimis perlustrare animus est. Dicebatur Succinum à suc-

co, quod ex eo contretum sit, & hanc denominationem ad nostra usque tempora retinuit. Græcis vocatur ἡλεκτρον it. *Dioscor. l. 1. c. 98.* audit χρυσοφόρον, quod aurum colore æmuletur. Eidem, ut & *Theophrasto de gemmis*, dicitur etiam λυγκάριον s. *Lyncis urina*, siquidem ejusdem conge-
lationem esse non nulli credidère; Aliis πτερυγοφόρον, quod plumas ad se trahat. Usitatissimum etiam in scho-
lis Medicis est vocabulum Arabicum *Carabe*, cujus natales ex lingua Persica arcessit *Avicenna*, quasi rapiat paleas; Ce-
leberrimo tamen *Borrichio lingu. Pharm.* videtur etiam Græ-
cis sic appellatum esse succinum, quod καρηβαρίαν *Coo* sic dictam, seu capitis gravedinem tollat, à καρή & βαρύς; vel etiam, ut alii volunt, εἰς κάρη βῆναι, unde Carabo pisci na-
tales. Italis *Ambra gialla*, Gallis l' *Ambre jaune* dicitur. Veteribus Germanis *Glessi* nomine venisse, (forsan quod vitrum pelluciditate æmuletur) autor est *Cornel. Tacit. German. c. 45.* Nostris temporibus communissimè vocatur *Börnstein* / vocabulo corrupto, originem ducente à βεργ-
ίνην, quò *Eustathius & Homerus* succinum nostrum notâ-
runt. It. *Agstein*. Alia nomina, ut *Ambarum*, *Gagates*, & similia, cum ambiguitatem tantum & errorem invol-
vant, consultò omittimus.

§. II.

Ad originem seu locum natalem succini quod attinet, reperitur illud, si non in omnibus, tamen plerisq; orbis ter-
tarum partibus, quod veteres & recentiores testantur scriptores. In iis verò singulis recensendis & examinan-
dis prolixi non erimus, cum hanc operam sibi sumserit *Clariss. Philip. Jacob. Hartmannus hist. succini Prussic. natu-
rali & civili l. 1. c. 1. §. 2. & seqq.* Ex Europæ regionibus Se-
ptentrionales maxime hoc abundant thesauro. Sic refe-

rente *Scheffero in act. Philosoph. Soc. Reg. Anglic. num. 19.* in Syecia circa oras insulæ Biorkoo in Melearo, lacu aquæ dulcis, reperitur. Idem certum est de Dania, in qua subinde succini frustra deprehendi, & quidem inter fodiendum fossam Hafniensem, testes *du roñay* perhibuerunt. His tamen, ut omnibus regionibus succiniferis palmam præripit Germania; hæc enim tum in locis mediterraneis, tum maritimis succina suppeditat copiosissimè. Alia ut taceamus, Saxonia etiam nostra illis non planè destituitur. Nam si *Aldrovando* fides tribuenda, & nisi si succinum cum *Agricolæ* terreno bitumine, quod si densatum & politum, *Gagates* dicitur, confuderit, in Misniæ celebri monte à carbonibus dicto, qui non longè à Cygnea abest; & propè Dresdam etiam, succinum fossile repertum est. Prope Wittebergam succini frustra inventa esse perhibet *B. Ludov. Ephemerid. Germ. an. IX. & X. obs. 36.* Islebiæ itidem Thuringiæ civitate non ignobili massam succini magnitudine caput humanum adæquantem quâdam in fodina erutam fuisse idem asserit *Aldrovandus*. Præ ceteris verò maritimis regionibus succini divitiis abundat Prussia tota, tam in locis mari proximis, quam ab eodem remotis, adeò ut haud abs re huic regioni fundum succineum esse dixeris. Undique enim locorum collecta aut afferuntur, aut ostenduntur succina, eaque non unius, nec vilis coloris, testante *Hartm. l. c. §. 9.* Cumque Prusiæ situ vicina sit Pomerania, de opulentia quoque succini participat; ibidem enim pariter non parva ejus copia tum in littore, tum extra illud, in collibus arenosis, & quando effodiuntur putei, invenitur.

§. III.

Ante verò quam essentiam succini indagemus, necessum erit considerare, quo pacto in dictis regionibus, Prussia

sia imprimis, inveniatur. Duplici verò in genere modo id fieri ab Autoribus memoratur. Vel enim ex terra sicca, instar aliorum mineralium, fodiendo eruitur, vel ex aquis hauritur, præcipuè marinis. Ex terra effoditur succinum nunc casu fortuito inter fodiendum puteos, ducendum fossas, arandum &c. nunc de industria ex certis locis, in quibus copiosè delitescere certis signis cognoscitur. Loca verò illa propria, ex quibus datâ operâ eruitur, quæque primus fortasse & omnium accuratissimè detexit ac descripsit sapiens laudatus *Hartmannus loc. c. l. 1. c. 3.* (ex quo hæc & sequentia mutuare liceat) sunt venæ peculiare, instar aliarum venarum mineralium per terram procedentes. Harum aliæ sunt luteæ s. lutosæ, aliæ ligneæ, quibus nonnulli addunt & arenosas, quarum singulæ maximè inveniuntur in littore Sudavico, vel ea parte Prussiæ, quæ hodie Sambia vocatur, quæque regio exinde meritò sedes succini propria dicenda. Vena lutea tenaci atque pingui luto cœruleo constat, quod à reliquo luto succino experte colore distinguitur, & ubicunque reperitur, non tantum succino semper abundat, sed bituminosam vim luculenter exhibet; pinguedinem enim peculiarem habere videtur & odorem minus terrestrem. Vena lignea duplex observatur, alia imperfectior, alia perfectior. Imperfectior terram præbet in extima superficie, quæ soli exposita est, grisei coloris, interius verò piceæ nigredinis, quæ ex magnis quasi & lævibus nitidisque crustis concreta cortices lignorum imitari videtur, & diffracta in pulverem continuò abit. Perfectior autem ejus coloris nigricantis terram fert, magis tamen coagmentatam, quæ specie ligni, quod putredine emollitum, fallit, licet nil nisi terreum in ea sit percipere, diffracta enim in frusta quidem prius, seu fragmenta quasi ligni,

ligni, paulò tamen post in pulverem resolvitur. Arenosam venam non admittit Autor supra laudatus, cùm nulla terra pinguis intra arenam, in qua succinum quandoque delitescit, reperiatur, quamobrem unicè maris alluvione fieri existimat, ut in littore succina arenis tumultentur, ex quibus postea eruuntur. Dictis venis succinum inhæret, & tùm à luto, tùm ligno arcte ab omni parte quasi carneis inclusum, comprehenditur, ut ex illis bipalio effossis frustra nunc majora nunc minora eximi possint. Terra verò ipsa lignea, si quoad qualitates consideretur, picea primum tenaci vi manus inficit easque denigrat, ut hoc modo bituminosi aliquid inesse sensibus pateat. Deinde fornacibus calentibus admota foetorem excitat, odoremque spirat nitrum vitriolo & sulphure permixtum referentem. Aqua exinde destillata sulphureum aliumque intolerabilem foetorem excitat, simulque aliquot olei guttas ostendit, instar olei pini lentas ac tenaces. Idem lignum si incendatur, non quidem flammam concipit, sed ignem adeò tectè servat & fovet, instar fomitis gliscendo & penitius subinde, ut videri non queat, se recipiendo. Inveniuntur venæ dictæ præprimis in montium maritimorum dictæ Sambiaë jugis, ita tamen, ut undique arenâ cingantur, ex quo fit, ut difficillimus & periculosus admodum sit succini fodiendi modus, ob lubricum & fallax montium solum. Neque tantum in montibus ad littus sitis venæ dictæ reperiuntur, sed etiam in continentem terram longè à littore excurrere observantur. Ex aquis deinde non uno etiam modo colligitur. Alter eorum vulgaris est, quo ab æstu & tempestatibus maris ejectum inter lapillos & arenas oræ maritimæ seligitur, vel etiam ex sicca alga extrahitur; alter quo retibus singulariter hunc in usum contextis in angulis littoris, ubi vada sunt,

sunt, hauritur, & eò quidem maximè tempore, quando ventorum sævissimæ & impetuosissimæ procellæ mare turbant & decumani fluctus ad littus æstuant. Succinum hoc modo ex aquis collectum speciatim *haustile* dicitur. Peculiaris etiam olim modus erat, forcipibus ex aquis extrahendi succinum, quod exinde forcipatum audit *Wigando* & aliis, qui tamen modus hodie abolevit.

§. IV.

Cognitâ sic origine succini, natura ejusdem atque essentia nunc longè accuratiùs quam hætenus factum, ostendi poterit. Quæ enim veteris & recentioris ævi scriptores de ea literis consignarunt, vel fictitia & planè ac plenè falsa sunt, vel dubia saltem & sublesta, nullisque experientiæ subsidiis munita. Ut strictim eorum potiora persequar, quam vana atque futilis fuit eorum sententia, qui animalium variorum excrementa succina esse statuerunt, e.g. elephantis, phocarum, cetorum semen, lyncis urinam? Probabilitate quoque magis quam veritate sese commendabat olim *Plinii* & veterum plussculorum opinio, succinum arboris cujusdam esse succum, cui *Tacitus* præ cæteris subscribit *German. c. 45.* quando illius mentionem facit, quod in dextro maris Sævici littore à Germanis colligitur. Nec, inquit, *quæ natura, quæve ratio gignat, ut Barbaris, quæsitum compertumve.* Diu quin etiam inter cetera ejectamenta maris jacebat, donec luxuria nostra dedit nomen, succum tamen arborum esse intelligas, quia terrena quædam atque etiam volucra animalia plerumque interlucent, quæ implicita humore, mox durescente materia, clauduntur. Fœcundiora igitur nemora lucosque, sicut orientis secretis, ubi thura balsamæque sudantur, ita occidentis insulis terrisve inesse crediderim, quæ vicini solis radiis expressa atq; liquentia

in proximum mare labuntur, ac vi tempestatum in adversa littora exundant. Quo sine dubio etiam Ovidius respexit, quando *l. 2. metamorph. fab. 5.* finxit Heliades Phaetontem lugentes in arbores versas ad ripas Eridani stillare in hujus aquas succinum, ita canens:

*Inde fluunt lachrymae, stillataq; sole rigescunt
De ramis electra novis, quæ lucidus amnis
Excipit, & nuris mittit gestanda Latinis.*

Frustra quoque alii tum Historici, tum Philosophi, ex quorum numero ipse etiam *Aristoteles* est, peculiare arborum succiniferarum species commenti sunt, ut *populum, alnum, cedrum*, maximè omnium verò *pinum*, cujus ingens copia in littoribus maris, ubi succina leguntur, nascatur; siquidem testes *ἀντίπας*, *Gæbelius*, *Wigandus* & *Hartmannus* confirmant in toto Sudavico littore dicto, ubi succini ingens copia hauritur, nec reliquarum arborum proventum, nec ullas aut raras pineas silvas notari, utut mediterranea regio illis satis sit instructa, vid. *Hartm. l.c. l. 2. c. 1. §. 7. p. 175.* ubi pluribus etiam dicta sententia refutatur. His adde, quæ contra eandem disputavit *Agricola lib. 4. de nat. fossilium p. m. 238.* Neque satis firmo stat talo eorum assertum qui succinum fundi maris exudationem esse putant, quod innuere videtur *quest. IV. Societ. Anglic. Hevelio transmissa Transact. 19. p. 283.* Qua cum etiam convenit *Agricola lib. cit. & Kircheri sententia, mund. subterr. tom. II. l. 8. sect. 3. c. 3.* ubi succinum vocat bitumen subterraneum ex appropriatæ materiæ terrestri matrice per fundum maris scaturiens sub forma melleæ substantiæ molle & liquidum, quod mari concreditum, ibique ad littora appulsum, innata solis aerisque siccitate in lapideam substantiam concreascit. Etsi enim bituminosæ naturæ sit succinum, ut paulò post dice-

dicetur, nunquam tamen vel ex terra effossum, vel ex mari haustum liquidum est deprehensum, sed semper durum & rigens, quod aliquando, rarer tamen, particulas molles inter sese fovet & complectitur. Ut taceam nec liquabile esse instar aliorum bituminum. Præterea neque unquam scatebræ vel in mari vel littore observatæ sunt, ex quibus profluat, vel in mare derivetur.

§. V.

Ut itaque vera natura & essentia succini, quæ ex origine suprâ dicta fluit, pateat, nemo sane illud Mineralium, & in specie, Fossilium classi, annumerandum esse negatum ibit, cum ex terræ cortice non minus atque alia fossilium genera eruatur. Ad quàm verò eorum speciem referri debeat, iterum in diversas Autores abeunt sententias, alii enim bitumini, & quidem liquido, ut *Kircherus*; alii lapidibus annumerant. Sed optimè utrumque conjungitur & succinum *lapis bituminosus* vocatur, cum & lapidis & bituminis affectiones in eo conjunctim reperiantur, neutrius verò seorsim. Lapidem perfectum esse succinum, durities ejus satis superque testatur, utpote quæ tanta est, ut mortaria ignivoma exinde parari & non simplici, sed repetitis vicibus citra læsionem explodi possint. Immò nonnunquam artifices succina offendunt ob duritiem nimiam instrumentis nullo modo tractabilia, nisi igne quodammodo emolliantur, referente *Hartm. l.c.* Deinde alterum lapidum attributum, quod non sint ductiles, quo à reliquis fossilibus distinguuntur, in succino toto die observare licet. Neque asserto huic, lapidem esse succinum, obstat, quod quandoque molle inveniat, ut sigillum impressum recipiat, sed idem lapidibus tantum non omnibus, qui post rerum creationem generantur, accidit, ut nimirum ex liquido prius

corpore concreverint. Id quod, fusius demonstravit πολυμαθεύς Borrichius Actor. Hafniens. Vol. V. observ. LXXXI. dum aquam communem quamvis, etiam maximè insipidam & pluviam, tanquam corpus fluidum, causam materiale lapidum existere, efficientis vero titulum arctiorem illam particularum aquæ in locis tranquillioribus quietem obtinere, exemplis atque experimentis plurimis ad oculum ostendit. Illustris quoque Boyleus tract. de gemm. orig. & virt. p. 3. prolixè probat, gemmarum, quamvis durissimarum, pelluciditatem omninò requirere, ut prius fuerint liquida, cum aliàs particulae eam dispositionem non possint obtinere, quæ perspicuitatem efficit, & juxta Sengverdium Phil. nat. p. III. c. 13. talis est, ut particularum ramuli arctissimè sibi invicem implicati recta interstitia seu poros, eosque copiosissimos efforment. Proinde non adeò abs re laudatus sæpius Hartmannus succinum pellucidum Gemmam vocat, cum gemmarum proprietates eidem accuratè conveniant.

§. VI.

Bituminosum verò esse succinum & sensus & ratio docent. Odor enim ejus ad reliqua bitumina, tum liquida tum concreta, petroleum, pissaspaltum, proximè accedit, & inflammabilitas omnibus communis est. Idem à priori quoque testantur venæ supra §. 3. descriptæ, quæ & viscositate bituminosa manifestè gaudent, & oleum simile lentum ac tenax instar olei pini per destillationem fundunt. Oritur autem succus ille viscosus & bituminosus, qui terram seu lutum venarum inprægnat, ex succo subterraneo oleoso, (quem ex particulis ramosis flexilibus & subtilissimis copiosis constare putat Cartes. Princip. Philosoph. p. IV. §. 69. & 76. & Sengverd. l. c. §. 7. quique sulphur & reliqua bitu-

bitumina constituit) à Slinis acidis particulis inviscato. Acidum enim particulis oleosis junctum texturam earum viscidam magis ac resinofam reddere, experimenta demonstrant, quæ ex Doctore *Grevv* adducit *Aut or philo- soph. veter. & nov. Phys. p. 2 tr. 3. qu. 4.* nempe oleum oliv. cum Slinis digestum primitèr medullæ colorem, mox adipis & butyri consistentiam Δe admoto liquabilem adipisci; consimili ratione ∅ Oli oleo anisi guttatim affusum & accuratè mixtum resinam producere perfectam. Ex quibus omnibus animo probè pensitatis probabiliter satis colligere est, succinum generari in terra solida, quatenus particula dictæ oleosæ in venis supra descriptis præsentis (sive illuc vi ignium subterraneorum eleventur, seu alio modo ibidem colligantur,) cum salis acidi subterranei ramentis in vehiculo aqueo solutis, ac subtilibus terreis, à reliquis in fluorem actis, coeunt, & quiete loci invitante, à turbatione agitationeque majori liberæ secundum æqualitatem superficierum complanantur, adeoque ex fluiditatis statu in firmum transeunt & lapidescunt. Neque alio forsan modo succini productio in mari contingit, quam quod similes venæ succiniferæ per illius fundum procedant, quæ si ab impetuoso incumbentis aquæ motu evertantur, succina quoque à matre quasi avelli & ad littora provolvi necessum est. Quod etsi non experienciâ oculari, tamen ex eo, teste *Hartmanno*, probari posse videtur, quod sæpius algæ species succino radicibus inhærescat.

§. VII.

Differentiæ succini variæ sunt, quarum pleræque à variis ejusdem affectionibus oriuntur. Ratione loci, in quo reperitur, aliud dicitur *haustile*, quod è mari hauritur, aliud *fossile*, quod è terræ venis fodiendo eruitur. Ratione consi-

stentia quoq; aliud, licet rarius, invenitur *molle*, aliud *durum*. Verum hæc differentia succino non competit tanquam perfecto & omnibus, quod ajunt, numeris absoluto, sed solummodò perfectionis gradum indigitat. Molle enim imperfectius est & immaturius, cujus particulae secundum lateres & æquales facies nondum arctius conjunctæ sunt, aut mutuis complexibus coaluerunt. Et hinc est, quod particulae succini molles duris immixtæ reperiantur, autore *Hartm.* non aliter ac de gemmis nonnullis, achate, chrystallo, observavit Celeb. *Borrichius l.c.* ipsas in medio sui, tanquam in gremio, pellucidissimæ aquæ guttas continuisse sursum deorsum mobiles. Durum autem est, quod perfectionem debitam acquisivit, seu cujus particulae sibi invicem secundum latera congrua agglutinata ita obriguerunt, ut difficillimè iterum disjungi possint. Et quamvis, ut superius dictum, calore quodammodo rigor ille mitigari possit, ob particularum oleosarum flexibilitatem, quâ naturâ pollent: nunquam tamen citra additamenta, nisi summo ignis excessu, ac cum deperditione particularum integrantium, liquari potest, quod inter alios observavit *Denys Papin in digestore novo, vid. Act. Erudit. Lipsiens. Nro. VI. p. 109.*

§. VIII.

Colorum ratione variat quoque maximè succinum; pro varia enim particularum componentium proportionem atque mistura omnes ferè colores in eo reperiantur, ut diversorum horum intuitu ultra centum & octoginta genera numerari possint, autore *Hartm. l.c.* Vulgo ordinariè magis triplicis coloris putatur succinum, *flavum* primò seu *fulvum*, quod etiam *aureum*, ac communissimè *Svalternicū* appellant, secundò *album* seu candidum, & tertio *nigrum*. *Fulvus seu aureus* color haud dubiè originem ducit à particulis

culis \circ osis Δ reis pinguibus, ex quibus maximam partem conflatū est succinum. Δ ris enim non adeò ab acidis salinis particulis immutati textura fundamentum præbere solet ut plurimū tali lucis reflexioni, quæ flavescenti colori producendo idonea est. *Albicans* verò succini Color haud aliunde, quam ab acido salis marini succo per venas succiniferas tam in mari, quā littore disperso, & cum \circ osis dictis particulis majori copiā commixto dependere videtur, à quo harum textura immutatur, & albicans exinde oritur color. Rem ita esse persvadet à posteriori experimentum *Schræderi Pharm. Medic. Chim. l. 3. p. 30.* Si succin. flav. $\pi j.$ & Θ lis com. $\pi j.$ cucurbitæ ∇ æ indantur, affundatur ∇ æ pluv. $q. s.$ & mixtura hæc imposito \times cœco coqvatur ad tempus, succini Color aureus mutatur in candidum. Vid. idem experimentum apud *Juncken Chim. experiment. cur. p. 273.* Utrum verò medico usui magis conveniat, disceptant Auctores, & alii album, alii flavum eligunt. Nos cum *B. Ludovico Pharmac. diff. i. p. 645.* flavum pellucidum albo meritò præferimus, tum quod minus carum, tum quod pars Δ ea in eo minus imminuta sit, nisi si forte adstringendi fine albo magis uti velis. Nigrum & opacum impurum est ob copiosam particularum ∇ earum misturam, proinde ad medicos usus haud aptum. Reliqui, qui in succino deprehenduntur colores, particularum metallicarum in Θ libus latitantium tincturæ debentur, siquidem & Θ lum & metallorum frustula in venis succini reperta sunt, ut de aliis mineralibus, Θ tro &c. taceamus. Non minus enim hoc succino, quam reliquis gemmis competit, quæ ab admixta e.g. ferri, cupri, tinctura, colorem viridem, coeruleum, rubicundum &c. unicè obtinuerunt, quod gemmæ artificiales ad oculum demonstrant.

*Partibus succini integrantibus, &
medicamentis potioribus ex eo
paratis.*

§. I.

EX iis, quæ superiori capite de modo generationis succini dicta sunt, facile patet, ipsum non homogeneous, sed heterogeneous maxime corpus esse. Quænam verò & quot partes ejus integrantes sint, & qualis earum textura ac proportio, distinctius nunc porro considerandum est. Constat verò succinum partibus sensibilibus, (nam de insensibilibus non nisi ex sensibilibus judicare possumus) (1.) Æreis pinguibus seu oleosis copiosis. (2.) Ælinis alcalicis volatilibus & fixis, (3.) Ælinis acidis. (4.) aqueis. (5.) Æeis, quæ omnes tum à priori, tum posteriori, imprimis autem chimica destillatione demonstrari possunt. Quod si enim succinum flavum grosso modo contusum, vel ejusdem rasura retortæ vitreæ debita quantitate indatur, & ita arenæ, vel (si lutata probè sit retorta) Δi aperto committatur, applicato recipiente capaciorem, clausis probè juncturis, Δis primò, lenis, deinde mediocris & tandem fortior subjiciatur, egreditur primum phlegma insipidum, postea nebularum instar -us cum Æle volat. (qui parietibus vasis quoque adhæret) & oleo subflavo æthereo, cui tandem rubicundum, nigrum & crassum succedit, restitante in retorta capite mortuo nigerrimo.

§. II.

Ex destillatione hac aliisque phanomenis partes succini

cini ante dictæ facile sensibus manifestantur. *Oleosas* itaque seu Δ eas præter $\circ\circ$ copiosum destillatione elicited ostendit resinofitas illa luti in venis succiniferis, & inflammabilitas, quâ ad Δ commune proxime accedit. *Olina volatiles* porrò tum in destillatione sese oculis nostris sistunt, quâ peractâ seorsim colligi queunt, tum linguæ & naribus in-
 tu præsentiam suam testantur. *Fixas* verò, sed exiguâ quantitate, ex \odot tuo parum calcinato elicere licet tum ∇ â simplici, tum destillatâ quâdam. Hâc quippe mediante, tanquam subtiliori magis, ex pluribus corporibus, quæ alias salem non æque fundunt, imò ipsissimis animalium ossibus calcinatis, idem prolici posse testatur accuratissimus *Borrichius Ægypt. & Hermet. sapient. c. 7.* quod experientia nostra, facto experimento, confirmavit. De *acidis* quidem dubitari possit, an in succino deprehendantur, cum nec oculis, nec linguâ primâ fronte sentiantur; at enim verò eadem succino inesse, tum à priori, tum posteriori $\kappa\alpha\tau\alpha$ $\pi\lambda\acute{\alpha}\tau\omicron\varsigma$ & diffusissime demonstrari ex facili posset, opus si foret. Sal enim volatilis & spiritus succini si per se, citra additionem cinerum aliorumve alcalinorum parantur, aciditatem manifestè produnt, dum cum purè alcalicis effervescentiam excitant. Deinde etiam sapor à reliquis salibus volatilibus mirum quantum differt & salsus magis existit. Ad hoc ob idem acidi connubium minus fugax quoque est sal succini volatilis, intuitu aliorum, e.g. $\text{F}ri$, C.C. & diutius in forma sicca citra deliquationem & consumptionem detineri potest. In oleo quoque easdem particulas acidas latitare, ex eo, quod plurimum salis volat. in eodem supersit sufficienter probari posse videtur, ut alia silentio præterveham. Acidum etiam ad succini compositionem concurrere exinde à priori patet ac elucescit, quod in venis succiniferis

omnis generis acidæ particulæ, vitriolum np. nitrum, rep-
 riantur, ex *Hartm.* didicimus. Neque tamen exinde, quod
 salem volatilem succini acidum in sinu quasi gestare dixi-
 mus, inferendum statim est, ipsum planè acidum esse, quip-
 pe alcali purum in apricum prodit, si cum alcalicis fixis re-
 ctificatio ejus seu sublimatio instituat. Ut taceamus,
 ipsum cum aliis acidis propriè dictis, spiritu salis, vitrioli,
 commistum, ingentem concitare effervescentiam. Odor
 demum & effectus, quem cum reliquis alcalicis volatilibus
 communem habet, idem satis demonstrat. *Aqueas* parti-
 culas phlegma, spiritum in destillatione præcedens, & spiri-
 tus ipse exhibet, qui nihil est aliud, quam sal volat. in phle-
 gmate solutus. *Terreæ* insipidæ colliguntur, postquam e-
 lixiviatione & filtratione ex ☉ sal fixus paratus est.

§. III.

Proportio harum particularum ad se invicem ob di-
 versitatem succini ratione coloris, ponderis, aliarumque
 affectionum adeò exactè definiri nequit, id tamen certum
 est, oleosas maximè præponderare reliquis, salinas volatiles
 alcalicas fixis & acidis; aqueas etiam & terreas oleosis &
 salinis quantitate haud pares esse. Præter verò hasce enu-
 meratas particulas sensibiles succinum componentes, aliæ
 sensibus minus obviæ ipsi insunt, quæ non nisi ex effectibus
 certis cognoscuntur. Quales sunt, quæ vim electricam
 præstant, & frictionis demum ope majori copiâ prolici-
 untur. De harum natura infra erit agendi occasio.

§. IV.

Ante vero quam effectus varios consideremus, quæ a
 recensitis hætenus succini partibus diversis in corpore hu-
 mano oriri queunt ac solent, medicamenta prius potiora,
 quæ ex succino parari consueverunt, enumerabimus. Vari-
 ant

ant autem hæc pro diversis succini partibus integrantibus, quarum modò hæ, modò illæ seorsim, modo omnes conjunctim expetuntur. Ubi omnes conjunctim desiderantur, in usum cedit succinum flavum, & quod frustra adeò specialiter seligi diximus, album, in *pulverem* tritum tum grossiorem, tum subtiliorem. Ille ad *suffimenta* potissimum, *cataplasmata*, *emplastra* aliaquæ id genus medicamina adhibetur; Hic vero, subtilior, in marmore lævigatus, ad varios usus internos, variasquæ remediorum formulas huic fini accommodas, usurpari assolet. Exemplum addere non opus est, infra enim sponte sua sese ingerent, ubi de viribus specialibus erit agendum.

§. V.

Subtiliores deinde, tam sulphurææ quam salinæ, à reliquis beneficio menstrui segregatæ, seorsim expetuntur in *Essentia* s. *Ra*. Modi hanc parandi varii à variis docentur Autoribus, ex quibus commodus satis est, quem proponit *Ill. Boyl. Tentam. Physiol. p. 35.* nec non & *Nicolaus Lemery Curs. Chim. c. 2. p. 462.* omnibus tamen palmam præripere videtur sequens, quem in *Miscell. nat. Curios. ann. IX. observ. 36.* descripsit accuratissimus olim Chimiater *B. Ludovicus* R. succini subtiliter ꝑsati part. j. affunde \forall ꝑsati subtil. p. viij. hæc in cucurbita capaciore & altiori, adaptato recipiente mediocri, lutatis juncturis, ad horas 5. l. 6. in arena ebulliant, quod in recipiens transiit, residuo (adhuc calenti) reddatur, & hinc filtretur. Circa hanc præparationem notandum est (1.) \forall requiri ꝑsatum, qui tum dephlegmatus præ reliquis est, tum ob adjunctas particulas salinas volatiles bituminosam succini substantiam magis penetrat & recludit, quam alius quivis, nisi sit rectificatissimus. Alii, sed frustra, idem salis tartari additione effici putant. Parum enim

C 2

illud,

illud extractionem hic promovet, quod observavit iterum modò dictus *Ludov. Pharm. diff. 1. p. m. 653.* (2.) Menstruum proportionem certâ ac definitâ adfundendum est, non indefinitâ, uti hætenus in usu fuit, ubi ad digitorum aliquot eminentiam tantum adfundere consueverunt, proportio nimirum ista sit octupla, quæ sufficiens esse potest ad extrahendum, vid. *Excellentissimus Wedelius, Præceptor atque Patronus meus perpetim de venerandus in pharm. l. 2. sect. VI. c. 8. p. 242.* (3.) Digestionem calore aliquanto majori fieri debere, ut eò magis menstruum poros subjecti extrahendi pervadere possit. Quamobrem ebullitione commodè peragitur digestio, & hoc pacto compensatur tædium, quod ex longiori alias digestionem oritur, quæ tamen ipsa nihil efficit, nisi in calore sufficienti instituatur. Huc facit etiam supra laudati *Papin* experimentum, quo brevissimo temporis spatium in machina à se inventa parari posse scribit *Essentiam succini* ut & *tincturam tartari* longè saturationem illâ, quæ vulgari modo paratur. *Vid. ejus tract. ex Anglic. in Gallicam linguam translatus, cui præfixa fons: la maniere d'amolir les os, chap. 6. experience 1.* cujus ratio hæc solâ est, quod ignis digestivus fortior. (4.) Notari etiam meretur quod sæpius laud. *Ludov. Misc. nat. Curios.* monuit, nempe satius esse, si nihil spirit. vin. post confectionem abstrahatur, cum exinde tincturæ vis non augeatur, sed coagulum resinum tractu temporis potius ad fundum secedat ad succini ingenium rediens. Id quod iterum observavit *Boyl. tr. 2. de firmit. sect. 49.* Cum enim tincturæ succini benè coloratæ copiam aliquam per trium annorum spatium reliquisset, in ea, quamvis prius fluida mansisset, aliquot tamen flavas succini massulas, sphærule præcatoriis tantum non similes, altero latere planas, hic illic partim in fundo, partim in vitri lateribus adhærere conspexit.

§. VI.

Salinæ volatiles particulæ (quibus sulphureæ paucae junctæ sunt) vel in liquida forma adhibentur sub *spiritus succini* titulo, vel in sicca. *Spiritus* secundum laudatum antea *Lemery*, peractâ, ut superius dictum, destillatione, segregatur ita: infundatur in vas recipiens, in quo destillatum adhuc continetur, aqua simplex, ut agitatione adhibitâ solvatur sal volatilis lateribus adhærens, liquor omnis cucurbitæ vitreæ committatur, imposito alembico, adaptato recipiente, lutoque munitis juncturis, ignis arenæ lenissimus subjiciatur, ut vas incalescat, hinc paululum augeatur, ut adscendant aqua & spiritus, qui paucum oleum album secum defert, continuetur donec nihil ascendat amplius, remaneatque oleum crassum, nec tamen ebulliat. Oleum ab aqua & spiritu, deinde, rectificatione denuò institutâ, aqua etiam ab eodem separetur, & spiritus in usus reponatur. Eadem spiritus ab oleo separatio fieri etiam posset, si solutione salis volatilis parietibus adhærentis factâ, oleum ab aqua & spiritu filtratione separetur, ac denique rectificatione, leni tamen igne, evocetur phlegma, relicto spiritu, (est enim, ut suprâ dictum, sal volatilis fixior, unde phlegma præcedit spiritum) nisi si quis salis volatilis particulas oleosis implicari existimet.

§. VII.

Sin seorsim & formâ siccâ *salem volatilem* colligere & asservare allubescat, fieri illud potest vel communi modo, institutâ, ut suprâ dictum, destillatione, ubi lateribus colligretortæ & recipientis adhærens colligendus; vel ad ductum *Lemery* qui *pag. m. 468. cursus Chimici* huncce docet modum: R. succini ꝑrisat. ℞ij, inde cucurbitæ vitreæ satis amplæ, ita, ut pars ejus quarta tantum repleatur, cucurbi-

tam arenæ impone, ipsique capitello cum parvo recipiente adaptato, luto accuratè commissuras agglutina, ignem per horam circiter lentum adhibe, hinc, calefactâ cucurbitâ, eundem ad tertium gradum auge, primò stillabit phlegma cum spiritu, hinc adscendet sal volatilis, qui sub exiguorum crySTALLORUM formâ capitello adhærescet, postea stillabit oleum primò album, postmodum rubrum, sed limpidum. Quando non nisi pauci elevabuntur vapores, ignem subtrahe, vasis refrigeratis lutum remove, penâque salem volatilem collige. Cum vero non adeò purus sit sal hicce volatilis, repetita sublimatione in phiala capaciore vel cucurbita, liberari etiam potest ab oleosis empyreumaticis particulis, quæ adhuc ipsi adhærebant. Institui etiam potest illa depuratio crebrioribus in aqua & spiritu vini solutionibus, ac inde sublimationibus, quo pacto aliàs etiam sal volatis C. C. aliive depurari consueverunt.

§. VIII.

Oleosæ etiam seu sulphureæ particulæ à reliquis separatæ in frequentissimum sub *Olei* titulo seliguntur usum. Hoc nunquam seorsim destillatur, sed unâ cum reliquis supra dicto modo colligitur, purificatur verò non unâ viâ. Vel enim subtiliores ejus particulæ, sub flavescenti colore, per alembicum ex arena segregantur, & *olei ætherei* nomine insigniuntur, relicto in fundo cucurbitulæ crasso nigricante. Vel etiam totum magna oleosum primâ destillatione provocatum, cum arena, vel, secundum nonnullos, cum cineribus commiscetur, & per retortam vitream rectificatur, ubi primò rubicundum, postmodum crassum nigricans prodit oleum, quorum utrumq; ad diversos usus peculiari excipi potest vasculo. Optimus autem oleum succini rectificandi videtur modus, si antea dictum
magma

magma oleosum, à spiritus & salis volatilis separatione reliquum, aquæ simpl. copiosæ in vesica committatur, & ita, adhibito refrigeratorio, igne mediocri destilletur, sic enim relicto crassiori nigricante, æthereum transibit, postea beneficio vitri hypocleptici, vel alio modo separandum. Alios hujus rectificationis modos, qui hinc inde apud Auctores occurrunt, v. g. super Colophoniam propriam seu caput mortuum, vel sal alcali, ut cineres clavellatos, vel supra salis spiritum, aut muriam, non adscribam, judicium tamen de iisdem vide sis in *Ludovic. pharm. diff. 1. p. 656.*

§. IX.

Inter *composita* ex succino medicamenta memorabimus primo loco *Essentiam compositam seu Elixirium*, ex *essentie succini, castorei, camphoræ*, nonnunquam etiam *myrrhæ & asæ fætida* connubio, pondere proportionali paratum, quod Elixiris uterini, cephalici, nephritici, titulo venire solet. Est enim medicamentum ad plurimos usus nobilissimum, ut ex infra dicendis clarius patebit. *Spiritus* porrò *volatilis* præstantissimarum virtutum ex succino confit, si cum sale ammoniaco instituatur ejus destillatio sequi modo: \mathcal{R} . Θ lis *ci, & rasur. succini aā \mathfrak{ss} , calc. viv. \mathfrak{ss} j. vel \mathfrak{ss} ii. mista invicem imbuantur \mathcal{V} simpl. q. s. & \mathcal{Q} lentur ex cucurbita capaci in arena, igne mediocri, tunc spiritus oleosus prodibit, qui ~ Θ lis *c. *succinatus* audit. Adhiberi hic potest variis in morbis, vel per se, vel extrahendis aliis oleosis corporibus inservire: sic *Essent. myrrhæ volatil*is egregia cum hoc spiritu parari potest, ut alia taceamus. Ex sale volatili succini cum aliis combinato varia quoque fieri consueverunt medicamenta, inter quæ in forma liquida eminet divinum illud remedium,

Liquor

Liquor C. C. succinatus, ab *ιατρικωτάτω* *Michael* primū in usum vocatus, & hactenus multis in casibus, adultorum pariter ac juniorum, utriusque sexus, experimentis *μειοίς* *ἤτοι μειοίς* comprobatus. Paratur ex ~ C. C. probè rectificato, qui affunditur sali volatili C. C. & sali volat. succini (ab oleoso inquinamento, dicto modo, liberatis) aa. q. s. ut imbibat atque solvat intimè dictos sales, quo facto mistura hæc post aliqualem effervescentiam digestioni exponatur, & cohobatione reiteratâ perfectius uniatur. Vid. Excell. *Etmullerus valetud. infantil. c. 3. §. 5.*

§. X.

Nec oleum minus quam reliquæ succini partes compositiones varias egregias ingreditur, quas tamen omnes hic recensere supersedeo. Sic *oleum* illud celebre *anti-læmicum Heinisii* ex succini oleo in primis constat, cuius locum extemporanea mistura olei succin. junip. rut. cum camphora & balsamo sulphuris facilè complere potest, monente *Ludovico in pharm. p. 270.* *Balsamum Aris succinatum* egregium pariter cum oleo succini conficitur, si cum floribus ejus, vel sulphure puriori digeratur, id quod tūm aliis usibus seorsim, tūm elixirio pestilentiali Crollii parando inservit. Vid. ejus *Basil. Chimica pag. m. 300.* Aliud *Balsamum* ex corpore pro balsamo, seu oleo Nucistæ express. & oleo succini, servatâ eâ proportionem, ut ad ℥j. corporis gtt. viij. vel x. olei succin. recipiantur, nemo non parare novit. *Eleosaccharum* quoque, ut & *litus* seu *linimenta* varia, quæ oleum succini constituit, unicuique tam nota sunt, quam quæ maximè. In alias insuper plurimas formulas redigi posse succinum, & instar Protei quasi, cui nec forma nec color certâ sede manet, se habere, testantur medicamentorum usualium

catalogi, pharmacopœæ & Practicorum libri. Sic frequentissimi usus est *MP de succino Cratonis*, descripta à *Schræd. in Pharm. lib. 2. c. 73.* Emplastra etiam varia ingreditur, ex quibus præ cæteris celebre est *Emplastrum diaphoreticum & de pice Myns. in arment. § 37. p. 509. & seqq.* descriptum; quorum tamen virtutem æquat, si non superat, simplicissimum è *colophonio & succino confectum*, notante iterum *Ludov. l. c. p. 628.* Peculiare demum *Emplastrum magneticum* à celebratissimo quondam *Cnæfelio descriptum vid. in append. ann. VI. Miscell. Nat. Curios.*

CAPUT III.

De,

Viribus succini generalibus, inprimis medicis.

§. I.

EXpositis succini partibus integrantibus sensibilibus, & variis earū separationibus & combinationibus tum inter se, tum cum aliis, proximum nunc est, ut vires earum seu effectus perpendamus, quos corpori humano internè & externe adplicatæ producant. Dupliciter verò vires istæ considerari commodè queunt: (1.) in genere, secundum causas suas & agendi modum, (2.) in specie secundum morborum classes ac numerum, in quibus operam præstant & sese exerunt.

§. II.

Quod ad effectus succini attinet, notandum venit, eos nil aliud, quam affectiones quasdam seu qualitates ejusdem esse, quæ habito respectu ad corpus nostrum eidem tribuuntur. Unde in iis deducendis non ad alias

D

æque

æque ignotas qualitates primas & secundas, uti hætenus factum est, recurrendum, sed totum negotium mechanicæ succini affectiones, particularum nempe componentium magnitudo, situs, motus & textura, absolvunt, quippe à quibus tanquam rerum principiis, si non omnium, tamen vitæ expertium qualitates & effectus commodissimè deduci possunt, immò debent, id quod latè demonstratum ivit *Autor, Philosoph. veter. & nov. phys. general. tr. 3. c. 1. conclus. 3.* Neque verò hâc assertionem principia chimica excludimus, quæ succino inesse diximus, utpote quorum virtus & agendi potentia à mechanicis illis principiis unicè unicèque dependet.

§. III.

Inter vires itaque succini generales primò occurrunt illæ, quæ eidem in substantia, seu ut sic mixto, competunt. Talis est *vis absorbendi* seu imbibendi varia liquorum vitalium, cum primis lymphæ, inquinamenta salina, quæ à determinata particularum terrearum cum reliquis structura ac textura dependet, quæque efficit, ut occurrentia salina vel acria corpuscula alia immutentur, invertantur, adeoque vim agendi amittant. Observatur hæc succini virtus in variis systematis nervosi irritamentis, maximè in *Epilepsia, motibus convulsivis*, infantum pariter & adultiorum, ad quorum medellam pulveres absorbentes succinati mirum quantum faciunt, id quod multitudo pulverum epilepticorum, succinum recipientium, satis superque demonstrat. vid. sæpius laud. *Ludovic. Pharm. p. 649.* Eadem virtus in nonnullis lymphæ vitiis, quæ cum motu ejus vitioso & effluxu nonnunquam conjunguntur, sese manifestat. Sic si sales peregrini lympham inquinantes consistentiam ejus laxent & glandulas irritent, aut ad excretionem

nem n. p. easdem stimulent, certum præsidium est succinum, in cuius rei exempla adduci possunt *gonorrhœa, fluor albus, defluxiones catarrhales* variæ cum dolore. Competit autem hæc virtus tum *succino* & *sato*, tum *essentia*, quippe in qua substantiales ejus particulæ, subtiliores tamen, reperiuntur. Ex eodem fonte propullulat etiam *vis incrassandi*, quæ ab omnibus succino tribuitur. Hæc enim eadem ferè est cum priori, & contingit, quatenus corpuscula illa acria in corpore oberrantia & lymphæ consistentiam turbantia à succino imbibuntur, & adeò textura ac consistentia naturalis sero iterum redditur; licet particulæ succini substantiales, inter quas terreæ non paucae, symbolum suum quoque addere possint. Hinc est, quod in *catarrhis tenuibus, salsis, seminis fluxibus, hæmoptysi* &c. succinum pulverisatum sub adstringentis titulo commendatur.

§. IV.

Eximia porro in succino *resolvendi, aperiendi & dissipandi*prehenditur virtus, quæ partibus ejus subtilibus tam sensibilibus, salinis & sulphureis, quam insensibilibus debetur. Illæ enim cum per se valdè mobiles sint, & calore corporis viventis facilè in motum majorem concitentur, non possunt non in corpus assumptæ concretiones liquorum vitalium, & varias inde ortas obstructions dissolvere, ac massam sanguineam fluidorem reddere, ut liberè iterum per vasa decurrere queat. Ultrisque autem tum salinis, id est acuminatis rigidis, tum oleosis seu rotundis, aut in rotunditatem pronis particulis, hic effectus competit, siquidem hæc etiam subtilitate & motu suo rubicundos sanguinis & albicantes feri globulos arctius sibi invicem innexos dividere, & in fluiditatis statum vindicare possunt. Ab illa enim cohæsione obstructions in

corpore humano oriri, ex *Lewenhookio* ingeniosè admodum ostenditur in *Phil. vet. & nov. Phys. p. 2. tr. 3. dis. 2. c. 3.* Neque insensibilibus particulis hanc virtutè deesse, testantur amuleta ex succino parata, quorum vim in variis morborum generibus plurimi Practici ἀξιόμιστοι, deprædicant quibus nemo facilè fidem derogabit, & experientiâ comprobata. Hæc succini aperiendi ac resolvendi virtus in variis adfectibus tum sanguinis, tum nervorum manifestè sese exerit, in *apoplexia, paralyti*, feri motu læso seu *catarrhis* circa os, fauces & alias partes, *menstrui defectu, lochiorum stagnatione* & aliis, sive externè variis modis applicetur, seu internè ejus *unctus*, Θ *volatilis* aliaque exinde parata exhibeantur, de quo fusiùs infra.

§. V.

Hanc aperiendi ac dissolvendi virtutem duæ aliæ facultates, tanquam effectus proximi consequuntur, *vis* nimirum *diaphoretica & diuretica*. Quod si enim divisione partium sanguinis ac lymphæ cohærentium factâ, in fluiditatis statum revocati sint liquores hi vitales, secretionès omnes naturales, præprimis lymphæ, optimè iterum procedunt, & eò magis, quò major heterogenearum particularum copia naturam gravat. Fluidior enim lymp̃ha tam per glandulas subcutaneas, quam renales facilè transit & exitum invenit. Promptius verò medicamenta succinata hos producunt effectus, quod, præter salinas volatiles particulas, sulphureis plurimis gaudent, quæ sanguineas rubicundas particulas, seu globulos, augendo, motum sanguinis fermentativum seu rarefactivum intendunt, & circulum ejus efficiunt rapidiorem. Licet verò utroque modo, tam per diaphoresin, quam diuresin feri evacuatio à succinatis procedat, (uti aliàs utraque se invicem modificat)

cat) posterior tamen frequentius subsequitur, ob salem volatilem, quem ad falsi salis naturam propius accedere supra dictum est, hunc enim potius diureticum quam diaphoreticum esse, apud omnes in confesso est. Harum virtutum documenta infra in pluribus morbis occurrent.

§. VI.

Inter generales succini virtutes merito quoque numeratur *vis anodyna*, quam in variis adfectibus dolorificis externo & interno usu exerit. Originē hanc ducit partim ex virtutibus succini antea descriptis, invertente, discutiente sudoriferâ & diureticâ, quatenus nimirum acre irritans hoc modo immutatur & destruitur, atque ita dolorum causa tollitur; partim ex eo, quod particulæ oleosæ rotundæ acris acuminatis sese implicando cuspides harum obtundunt, insimulque spiritibus animalibus motum placidiorē conciliant. Hanc itaque ob causam potissimum nervinis remediis, iisque efficacissimis, accensentur succinata, & in omnibus nervorum adfectibus, sive ii obstructi sint, sive resoluti, vel alias à statu naturali recesserint, internè in *substantia*, *tu*, *Θle volat.* & externè in *suffimentis*, *oleo*, *liminentisque* inde paratis variis, optimo cum successu adhibentur.

§. VII.

Præ cæteris tandem virtutibus in succino elucet *alexipharmaca*, quam in pestilente aliisque febribus malignis epidemiis latissimâ prædicatione circumferunt practici. Nec de ea fama dubitavit unquam, sed pleno ore confirmat, cum Regiomontii quondam pestis grassata fuerit, neque vel unum ex iis, qui succina tractarunt, interiisse, nec domus eorum labe fuisse infectas. Quò etiam illud sæpius laudatus *Hartmannus* refert, quod nec ulli venenati ha-

litus ac vapores, quos metallifossiles nostri vocare solent **das böse Wetter** in fodinis succineis ac in aliis metalliferis, observentur, id quod tamen alia de causa facile proficisci potest. Unde verò vis illa dependeat, ex hactenus traditis haud difficulter aestimare licet. Non solum enim vis imbibendi, quâ particulae succini certo modo dispositae miasmata venenata, quæ in peste & malignitate epidemia supponuntur, absorbere & invertere queunt, plurimum huc facit; sed particulae etiam volatiles fluxilitatem sanguinis conservando vel reducendo, symptomatibus ejus, coagulationi nempe & resolutioni, apprimè resistunt, motum intestinum fartum tectum præstant, prohibentque ne peregrinus eidem inducatur. Cui fini maxime inserviunt particulae oleosæ sulphuræ, quæ sulphur sanguinis augment, spirituumque vitalium copiam largiuntur. Ita enim liquoribus vitalibus constitutis, haud facile noxam eisdem inferre potest miasma venenosum, quippe quod vel absumitur, vel invertitur, vel per sudores copiosè obortos, aut urinæ secretionem largiorem, foras confestim propellitur. Nec corpori humano tantum internè & externè usurpatum succinum hoc præstat, sed aeri quoque ipsi, si vitium in eo hæreat, id quod suffituum ex succino paratorum frequentia ac efficacia tempore pestis sufficienter confirmat.

§. VIII.

Post generales succini virtutes agendum quoque paucis venit de *vi electrica, seu attrahendi corpora levia*, quæ quidem absolutè medicæ considerationis non est, cum tamen ad effectus nonnullos medicamentorum succinatorum explicandos concurrat, ipsam præterire vix licet. Si itaque veterum hac de re excutiamus loculos, varia occurrunt memoranda. Hi enim unicè fere succino vim attrah-

tractricem tribuerunt, valdeque fuere solliciti, an levia omnia, an quædam tantum attrahat, à quorum numero præcæteris ocymum, & oleo imbuta corpora, nescio quo fato, excluderunt. Verum de his qui plura legere cupit, videat *Bernb. Cæsum lib. de mineralibus sub tit. succin. it. Hartm. p. 220. & seqq.* Nobis satis erit notasse, eandem virtutem in plusculis aliis corporibus quoque reperiri, ut nullo modo peculiaris succino, & specifica, dici possit; siquidem *sulphur commune, arsenicum, vitrum, lapides pretiosi*, ut *adamas, rubinus*, resinæ etiam solidæ, ut *mastiche, colophonia, cera sigillatoria*, non minus ac succinum, istam aperte exhibent, de qua re videri potest, naturæ Consultissimus *Robertus Boyle de atmosphaera corp. p. 11. & de qual. particul. p. 16.* Causam hujus phænomeni quod concernit, non veterum qualitates occultas, similitudinem substantiæ, aliaque, fusius jam recensere aut refutare, sed recentiorum potius hac de re opiniones perlustrare interest. In his primo occurrit sententia *Domini des Cartes*, quam proposuit *Princ. Phil. part. IV. §. 185. & ex eo Anton. leGrand. institut. philosoph. part. 6. art. 10. §. ult. p. 606.* Existimant nempe in corporibus electricis præter majuscula intervalla, per quæ globuli secundi elementi versus omnes partes transire possunt, plusculas etiam rimulas oblongas reperiri, quæ soli materiæ primi elementi transitum præbeant; hanc verò primi elementi materiam, cum omnium meatuum, quos ingreditur, figuras induat, per rimulas istas transeundo, in quasdam quasi fasciolas tenues, latas & oblongas efformari, quæ cum rimulas similes in aere non inveniant, intra corpus electricum se contineant magis. Quod si verò frictione & incalescentia foras proliciantur, per aerem vicinum se dispergant, aliorumque corporum meatus ingrediantur,

sed

sed quia non tam aptas ibi vias inveniunt, statim mox ad corpus electricum revertantur, & minutiora corpora, quorum meatibus sunt implicitæ, secum deducant. Alii vero cum *Cabeo* hancce afferunt rationem; halitus nempe è succino excusos aerem circumjectum disjicere, qui, cum vicinum itidem aerem loco dimovere non possit, unâ cum halitibus, qui ex succino erupere, revertitur, sicque atmosphærâ succini rariore factâ, halitus ipsos cum corpusculis levioribus, quibus inhærescunt à gravioris aeris pondere omnino retrò pelli. At enim verò, cum utraque hæc sententia non levibus prematur difficultatibus, immo falsas admittat hypotheses, (uti pluribus monstratur in *Philosoph. veter. & nov. phys. p. II. c. 4.*) merito rejicitur, illaque, quam *Cartesius* primùm reliquerat, tanquam verior admittitur. Supposito nempe, unumquodque corpus particulas quasdam insensiles, quæ admosphæram ejus constituent, continuò & quasi ad destinatum emittere, (uti hoc latius demonstravit sæpius laudatus *Boyle*,) è succino similibusque corporibus electricis, quæ maximam partem resinosa sunt, halitus viscosi copiosi per frictionem excitati erumpunt, qui ad instar filamentorum in proxima corpora levia sese insinuant, iisdemque adhærent; cum verò halitus isti filamentosi in tensione non diu subsistant, cessante paulatim calore in se ipsos recurrunt, & corpuscula, quæ arripuere, secum deferunt. Vid. *Philosoph. vetus & nova loc. cit.*

CAPUT IV.

De

Usu succini speciali.

§. I.

Postquam in genere vires succini varias ex causis suis deduximus, non incongruum erit speciales affectus varios, in

in quibus idem præ cæteris efficaciam singularem promittit, & practitorum celeberrimorum testimonio præstat, enumerare. Ex primarum viarum morbis pauci quidem sunt, in quibus succinum seorsim commendatur, in *fluxibus* tamen *alvi*, seu *diarrhæis*, *pulvis succini*, sive *succinum præparatum*, non tam adstringendi, quam acrimoniam irritantem temperandi fine, unâ cum aliis figentibus & absorbentibus, C.C. *philosoph. bol. armen. rad. tormentill. &c.* meritò quoque suas meretur laudes, ubi simul fibras nervosas solari & spirituum motum irregularem consopire potest. Hanc virtutem quoque in infantum *inquietudinibus*, *torminibus*, *vomitibus*, *diarrhæis* & inde oriundis *motibus convulsivis* exerit, unde *Ludovic. pharm. p. 648.* sequentem pulverem pro ætatis ratione ad grana aliquot exhibitum, in eo casu magnis celebrat laudibus.

Rx. *pulv. bezoard. alb. 3vj. succin. alb. ppti 3iij. cinnab. nativ. ʒiv. laud. op. ʒj. M.*

Liquor quoque C.C. *succinatus*, *Essentia myrrhæ c.* & *ci succinato* parata egregiam præstant operam, à quorum posteriori in adfectibus ventriculi quibusvis, imprimis *vomitu*, *cardialgia* adultiorum, effectum præsentaneum sæpius vidimus. Externè verò huic fini tanquam optimum euporiston inservit *oleum* vel *balsamum succini*, scrobiculo cordis & abdomini inunctum. Eundem ad scopum etiam collimant *species diasuccini Myns.* quas in *diarrhæis*, & *dysenteria* in specie, commendat *arm. sect. V. p. 115.*

§. II.

Ex morbis massam sanguineam infestantibus auxilium singulare à succino expectant *febres* nonnullæ, æque *continua*. Harum familiam ducunt *febres malignæ* & *pestis*, in quibus ob egregiam vim diaphoreticam & alexi-

E

phar-

pharmacam supra assertam mirè conducit. Eam quoque ob causam *pulvis succini albi* omnes ferè *pulveres bezoardicos* ingredi solet, quorum exempla prostant apud *Myns. in Arm. Sect. V.* Præter pulverem autem in febribus dictis cum primis laudandus est Θ *volatilis*, tum per se tum cum \sim C.C. in laudatissimo *liquore C. C. succinato* exhibitus, qui in *petechialibus* ut & *morbillis* malignioribus apprime confert, tam ad malignitatem ad extra propellendam, quam cerebri symptomata conjuncta, *deliria*, *convulsiones*, curanda. In *Peste* & internè, & externè egregiam præstant operam medicamenta succinata omnia, & in eo ad sulphuris virtutes, sicut in aliis affectionibus quamplurimis, proximè accedit succinum. Internè non tantum *pulveres bezoardici* jam laudati, quorum exemplum videri potest apud *Rivinum diss. de peste Lips. c. 5. p. 97.* sed in primis *oleum* ejus & Θ *volatilis* exhibentur. Hic ad sudorem promptè provocandum commodè aliis maritatur volatilibus, in *liquore C. C. succinato* & similibus, quorum descript. vide in *Leipziger Pestschaden* § 17. ubi quoque confirmatur, hæcce medicamenta in nuperæ pestis Lipsiensis curatione omne ferè tulisse punctum. *Pulveribus* etiam & *potionibus* variis tum *sal volatilis*, tum *oleum* commisceri possunt, posterius verò *electuaria* præcipuè ingreditur. Seorsim illud quoque ad guttulas vj. viij. vel in *oleo pestilentiali Heinisii* memorato, quod constat ex ana *olei citri*, *camphoræ*, & *succini*, ex usu esse solet. Par ratio est *balsam. sulphuris succinati*, *elix. pestilentialis Crollii* aliorumque quæ succini oleum ingreditur. Externè *suffitus* ex succino varii in peste conveniunt, pro depurando aere, invertendisque miasmatis, unde non tantum in domibus, conclavibus, suffimenta accenduntur, sed vestimenta quoque tam sanorum adhuc, quam indusia ægrorum, qui ad curandam pestem sudori-

doribus corpus exercuerunt, suffumigantur. Conferri possunt hæc suffimenta variis modis: vel simplicissimè ex *sulphure & succino*, vel additis aliis, *℞. myrrba*. Sic laudatissimum juxta ac usitatissimum est suffumigium *de cornu capri Mynsichti*. Quin ad amuleta contra luem pestiferam quoque comendatur succinum, corpori affrictum, ab *Helmontio Tumul. pestis p.m. 262.* ubi refert Chirurgum Hispanum in obsidione Ostendana hoc zenexto per triennium integrum se ab hoc malo præservasse. In *febribus catarrhalibus sal volatilis* succini addi commodè potest aliis remediis. A reliquis vero succinatis, ut *essent. oleo & balsamo sulphuris succinato*, abstinendum magis est, cum calidiora hæc sint, & febrim ut plurimum exasperent.

§. III.

Nec porro *vitius respirationis & pulmonum* operam suam denegat succinum. Siquidem, si inspiratio aeris lædatur ab *asthmate*, quod *convulsivum* dici solet, & à contractione involuntaria fibrarum motricium, quæ respirationi inserviunt, oritur, auxilium non contemnendum præbet *sal vol. succini* cum opiato combinatus, vid. *Willis. Pharmac. rat. p. II. sect. 1. c. 21.* Eundem quoque effectum in *tussi catarrhali*, à feri in faucibus & pulmonibus circulatione perturbatâ, idem efficit, hanc n. nihil melius quam diaphoretica, anticatarrhalia, maximè vero succinata, percurant. Sic non solum succinum in *substantia*, in variis formulis exhibitum, ad *tussim à materia tenui* laudatur, sed sæpius deprædicatus *sal. volat & Liqu. C. C. succin. cum opiato* maritati utramque inprimis absolvunt paginam. e g.

℞. liqu. C. C. succin. 3ij. ess. opii ℞ sat. 3℞.

M. dosis est gtt. 40. 50. 60. expectando sudorem. Non enim solum acrimoniam irritantem absorbent, &

lymphæ motum naturalem restituant, sed superfluam etiam eliminant, & spirituum motus heterogeneos componunt. Ob eandem quoque incrassandi & absorbendi virtutem in *sanguinis sputo*, maximè si à catarrho acri foveatur, succini pulvis tam in pilulis, quam electuario, aliisque formulis, maximis effertur laudibus, sicuti præ cæteris hæc fini etiam *Trochisci de Carabe* seu succino ab omnibus commendantur. De Cordis affectibus, *languore virium, lipothymia, syncope, palpitatione cordis*, non est, quod seorsim prolixiora faciamus verba, cum in his *salem volat. & oleum succini* cum salibus volatilibus & oleis aliis, pari passu ambulare apud omnes constet. *Vid. Willis. libro ante cit. part. 1. Sect. VI. c. 3.*

§. IV.

Ex superius dictis, quod nempe medicamenta succinata urinæ separationem promoveant, nunc spontè sequitur, usum eorum singularem esse in iis adfectibus morbois, qui secretionem istam lædere assolent. Talis verò est *ischuria*, in qua, sive ex sanguinis compage crassiori, seu grumis, vel sero coagulato; sive atonia fibrarum renalium ortum ducat, præsentaneam opem confert succinum. Priori enim casu tam *trochisci de Carabe*, quàm \ominus *volatilis* cum *spermate ceti* commistus, ob insignem vim resolvendi & nervos roborandi, mirum quantum conducunt, præprimis si opiata etiam refractâ dosi eisdem jungantur, ut spirituum motus ἀναλῶσι tollantur. Consimilem effectum in membranarum vesicæ relaxatione quasi paralytica, & inde orta *ischuria* ac *dysuria* præstat, hanc enim præmissis præmittendis ab olei succini ad gtt. vj. repetito usu sublatam scribit *Thaernerus in observationibus p. 175.*

§. V.

In *renum* quoque *exulceratione*, & *reliquorum viscerum abscessibus* ruptis consolidandis, egregiè tùm in *substantia*, tùm in *essentia* & *balsamo* ¶ *ris succinato* conducit succinum, præprimis si cum *balsamo Peruviano* vel in pilulis vel *essentia* combinetur. In *calculo* porrò & *conjuncta nephritide* seu dolore regionis renalis, virtutem resolventem & anodynam, si quid aliud, exerit. Exhibetur verò tàm in *oleo* ad guttas aliquot, quam Θ *le volatili*, ex quo unâ cum *spermate ceti*, *lap. S.*, additis pro re natâ *cinnabari* & *opio*, pulverem nephriticum egregium parat supra laudatus *Dn. D. Wedelius de Medicam. facultat. l. i. sect. 3. c. 9. p. 113.* Parili fine quoque externè in *litibus variis*, cum *oleo scorpiion.* aliisque, tùm pro *renum calculo*, regioni *lumbari*, tùm *vesicæ* etiam, regioni *pubis* illinendo, adhibetur.

§. VI.

Præ ceteris verò succinum & succinata *lymphæ ejusq. vitis* dicata sunt. Tollunt enim non tantum acrimoniam ejusdem, sed motum quoque inordinatum & impeditum miris modis restituunt. Hinc est quod omnium *catarrhorum* medela & solatium audiat succinum, quippe qui nihil aliud, quam variæ lymphæ stagnationes, tùm in glandulis, tum vasis lymphaticis, & effusiones ex glandulis in primis conglomeratis, à viscositate, acredine, lymphæ, indeq; ortâ irritatione productæ. Ubicunque enim stases ejusmodi in corpore contingunt, succinum præ cæteris, tùm purgantibus associatum, v. g. *pill. de succino Cratonis*, tùm loco diaphoretici & alterantis quoque, in Θ *le volatili*, *liquore C. C. succinato*, *oleo, elæosaccharo*, & Θ **ci succinato*, *essent. myrrh. cum eo parata*, *balsam. ¶ris succinato*. &c. & quidem cum, vel sine opiatibus exhibitum, opem præstat. In omnibus

igitur catarrhorum speciebus, ut *coryza*, *tussi catarrhali*, *doloribus*, e g. *capitis*, *colli*, *dentium*, *artuum*, ex *catarrhali defluxione* ortis, jam dicta locum habent. Neque interne tantum, sed externè quoque adhibitum, his malis cum maximè succinum adversatur, inprimis in suffitu, pro quo excitando vel solùm recipitur, vel cum aliis miscetur, e g. *gumm. anima*, *tbur. mastich. tacamahaca* &c. Huc facit *suffimentum de succino Myns. in armam. f. XI. p. m. 189.* Pro linimento quoque in *catarrhis capitis* & *Coryza*, *oleum succini* vertici illinendum nonnulli commendant, sed cautos in ejus usu nos esse jubet *Celeberrimus Wedelius de medicament. facultat. l. 1. sect. 3. c. 1. p. 83.* facilè enim materiam nimis liquando, & in vasa præcipitando, febrim, & alia mala graviora excitare potest. Ex eodem capite succinum pulverisatum in *cataplasmate* cum *fermento* & *in uvula* prolapsu, communi chirurgorum experimento, adhibetur, quod, etsi per se non contemnendum sit remedium, causa tamen, quæ huic assignatur effectui, maximopere fallit. Existimatur enim vulgò, succinum vi electricâ uvulam attrahere, quod falsissimum, siquidem, ut alia taceam, planè ἐκ τῶν ἀδυνάτων, ut per densum satis cranium, crebrum & ossa cerebro substrata, vim suam exerere possit, cum, interpositâ chartâ tenui inter succinum & rem attrahendam, eandem amittat. Hancce virtutem citra succinum exerit quoque in hoc casu fermentum cum *optimo* subactum, dissipando serum. In faucium partibus glandulosis inflammatis, seu ipsissima *angina*, *emplastrum suum magneticum ex succino* dilaudat *Cnoëffelius appendice Ann. VI. Ephem. Germ.* Idem *emplastrum*, ut & *Ludovicianum* supra laudatum, non secus ac *diaphoreticum Myns. in tumoribus glandularum* ipsisque *strumis* est egregium.

Ex adfectibus cerebrum, spiritus animales & nervosum systema adfligentibus, non pauci quoque sunt, in quibus succinum vires nervinas atque anodynas, supra ipsi adscriptas, singulari cum *ἐνέργεια*, in actum deducit atq; com-
monstrat. In adfectibus soporosis, caro, comate, cum aliis succinum laudatur à *Willisio de anima brutorum p. 2. c. 4.* In vertigine porro tam essentiali, quam sympathica à ventriculo, curandâ, primas tenent remedia succinata e. g. *MP. de succin. Cratonis, succinum pulverisat. cum aliis cephalicis maritatum; ut in specifico cephalico Michaelis, epileptico Ludovici, &c spiritus & sal volatilis aliis sociatus, it. pulveribus cephalicis additus; ipsum denique oleum, tum internè assumptum, tum externè vertici, temporibus, & regioni stomachali inunctum.* Quam in rem exemplum singulare memorat inclytus famâ celebri Medicus *Etmüllerus in colleg. practico*: studiosum nempe hypochondriacum continuâ vertigine tam ante, quam post pastum adfectum, cum frustra essent reliqua medicamenta, oleo succini tum internè ad gtt. vj. vij. viij. in haustu cerevisiæ circa prandii cœnæque finem exhibito, tum externè regioni stomachali illito, restitutum fuisse scribit. In epilepsia, motibusque convulsivis quam & promittat & præstet efficaciam, jam supra sub virtutum generalium titulo innui, & ex causis manifestis deduxi, unde non est, quod ad peculiarem cum luna, & consequenter cerebro, *τυπάζειν*, cum *Dionysio Afro* recurramus. Conveniunt in hac pulveres epileptici varii ex succino præprimis conflati, in quibus præ reliquis omnibus eminet *Ludovicianus* ille, quem descriptum reliquit in *in pharmac. p. 642.* Essentia etiam succineæ & salis volatilis in hoc malo præstantia notior est, quam ut eam
hic

hic latius deprædicare necesse sit, sive per se exhibeantur ista, seu cum aliis maritata. Sic *Racum* ~ *Olis* *ci mixta, *salvolatilis* cum ~ *sanguinis cerv.* *spiritu sanguinis* aut *cranii humani*, divina hic præbent remedia. Destillantur hunc in finem à nonnullis ex *succino* & *cranio humano* spiritus atque oleum, quæ rectificata in convenienti liquore exhibentur. Externe convenit etiam *oleum succin.* vertici, temporibus, naribus, ut & linguæ inunctum, in quo tamen modus servari debet, ne post paroxysmum perturbatio capitis ac dolor suboriat, id quod à talibus fumosis facile accidere potest. Eidem scopo inserviunt quoque *suffitus ex succino*, qui, etsi eos damnaverit *Langius l. 1. ep. 75.* non parum auxilii in paroxysmo abigendo præbent, & rationum atque experientiæ suffragio confirmati satis sunt.

§. VIII.

In *Apoplexia* tam positiva, quam privativa, ob insignem resolvendi, aperiendi & penetrandi virtutem, summo opere & modis omnibus, conducit succinum. Sive enim sanguis seu lymphæ extravasata fuerit, & poros medullæ cerebri obstruant, medicamenta ex eo parata promptissimam ferunt opem, simulque spirituum animalium motum reddunt citatiorem. Sic pro excitando ægro, *linimenta oleosa volatilia*, ex oleo *succini*, *rutæ*, *rosæ mar.* parata egregia sunt, quibus nares, plantæ inprimis pedum, adhibitis frictionibus fortioribus, inguntur. Similiter tam in *apoplexia* proprie dicta, quam *aphonia* linguæ, eadem adhiberi possunt, vel eorum loco mistura ex *sale volat.* *succini*, *castoreo*, *oleo rutæ* similibusque, observando tamen cautelam ante memoratam. Interne verò, pro obtinendo scopo jam dicto, præmisso ut plurimum vomitorio *potiones ex aquis*

Et ~bus cephalicis, Ole volat. Et oleo succini convenientes maxime sunt e. g.

Rx. ▽ flor. tilia, lil. convall. c. v. aa. ℥ij.

~ccras. nigr. ℥℔. liqu. C. C. succinat. ℥ij.

℞ Lat succin. gtt. iv. M. F. potio successe-
vè propinanda.

Nec minus vertex, spina dorsalis, tempora, inungi possunt balsamo succini simplici, vel composito, cum oleo ruta aliisque, it. linimentis ex oleo succin. essent. castor. Et ~Θ *ci paratis. Eadem hæc medicamenta præservandi quoque scopo usurpari queunt, de quibus vid. *Willis. de anim. brutor. p. 2. c. 8.* In *Paralyfi* quoque non tantum Θ volatilis, oleum Et essentia interne optime se gerunt, sed externe etiam oleum & essentia partibus paralyfi tactis insigni cum emolumento inunguntur.

§. XI.

Sensuum quoq; tum internorum tum externorum morbis ex eodem fonte medentur succinum & succinata. *Memoriam* confortat succinum externe in *sacculis* interpassatis seu *cucuphis*, cum aliis cephalicis balsamicis applicatum. In *doloribus capitis* variis, sive à sanguinis, sive feri acrimonia & stasi in partibus cerebri membranaceis, internis & exteis, producti sint, Θ volatilis cum *cinnabarinis* commistus plurimum efficere solet. Par ratio est *essentia*. Eundem effectum præstat in *otalgia*. Laborabat studiosus *otalgia* enormi ex colluvie serosa circa aurem dextram, qui ab *essent. succini* cum ~Θ *lis *ci* interne exhibita, præsentissimam sensit opem, subsequente statim effluxu materiæ flavescens. Neque ad dolores solum aurium, sed *auditus* etiam *difficultatem* & *tinnitum* succini vis sese extendit, ju-
bent

bent enim nonnulli oleum bombace exceptum auribus immittere. Verum hoc loco iterum observanda est cautela, quam proponit consummatissimæ experientiæ Medicus, *Dn. D. Wedelius de Medicam. facul. l. 1. s. 3. c. 3. p. 8.* In Podagra ut & dolore ischiatico diuretici & diaphoretici loco apprime quoque convenit Θ *volatilis succini.* In posteriori adfectu externe maxime deprædicatur *Emplastr. de pice Poterii, Diaphoret. Myns. de succino Ludovici.*

§. XII.

In adfectibus tandem partium genitalium virorum æque ac mulierum compluribus insignem præstat operam. Ex horum numero est gonorrhœa tam virorum quam foeminarum, ut & *fluor albus.* His enim, si quid aliud, egregie succurrit succinum. Exhibetur vero modò in substantia, in *pulvere*, in primis album, vel per se, vel cum *osse sepiæ preparato*, & *diaphoret.* & *opiato*, it. in *pilulis, bolis* &c. modò in *essentia* tum solitariè, tum *Râ bezoardicâ* & *opii* commista, quibus modis & citò & tutò omnes gonorrhœæ curari possunt. In foeminis seorsim omnia succinata in *mensium obstructione*, sive à sanguinis cruditate acida, sive ejusdem crassitie, sive alia de causa originem ducat, maximè profunt. Convenit verò præ ceteris Θ *volat.* & *oleum*, utrumque vel per se, vel cum aliis; illud quidem cum volatilibus, e. g. in *liquore C. C. succin.* hoc verò cum $\circ\circ$ *juniperi, sabina*, quæ omnium fortissimè pellunt, hæc obstacula tollunt, simulque particulas sanguinis, sulphureas quantitate augent, ut eò promptius ad fermentationem naturalem redeat. Uti autem in genere omnia ea, quæ menses movent & foetum pellunt, ita etiam succinata hæc apprimè & *partum* tam *vivum*, quam *mortuum*,
lochia

lochiorumque fluxum promovent. Adhibetur hunc in finem *elixir uterinum* supra laudatum, vel *essentia* tantum *succini* aliquantum castorifata ad gtt. 24. 30. repetitis vicibus data, de cuius effectu vid. *Ludov. Miscell. nat. curios. ann. IX. observ. 35. p. 101.* Præter *essentiam* convenit etiam *oleum* abdomini inunctum, quod & dolores lenit, & nervorum genus roborat. Ex *mulierum morbis* succinata remedia denique appropriata sunt iis symptomatibus, quæ ab utero vulgò oriri creduntur, reverà autem nihil aliud sunt, quam adfectus nervosi generis, quacunque de causa irritati. Succurrit hisce succinum tum virtute absorbente, in *substantia* & *pulveribus fixis*, cum *giatis*, & *alibus* & *opiatis*, tum dissipante, discutiente, diuretica, diaphoreticâ & nervinâ. Cui scopo inservit tum *sal volat.* aliis nuptus in laudato liqu. C. C. *succinato*, cum *essentia castorei* *Spiritu Solis* & *ci vinoso extractâ*, tum laudatissimum *Elixir uterinum*. Hoc quippe non tantum in dictis præfocationis valde efficax est, particulas acres, nervorum in infimo ventre propagines, tum circa intestina & mesenterium, tum circa uterum & genitales partes, irritantes, absumendo & expellendo; sed symptomatis conjunctis, *doloribus capitis*, *lipothymis*, *syncope*, ex consensuali fibrarum nervearum spasmus, & spirituum perturbato motu ortis, summè proficuum. Quin & *dolores post partum* mitigat ac tollit *carminativis* combinatum, ut *actu carminat. essent. carminat. &c.*

§. XIII.

Atque hi sunt affectus interni potiores, in quibus rationis ductu & experientia suffragio insigne aliquod juvamen promittit succinum. Externe vero haud adeo fre-

quens ejusdem usus deprehenditur apud Practicos, unde quoque non est, quod de eo latius agamus. Taceri tamen non debet *vis traumatica* egregia in *oleo crasso* residua, quæ ad *olei Fri* foetidi virtutem proxime accedit. Illud itaque in *vulneribus & ulceribus* partium externarum variis consolidandis locum non ultimum obtinere poterit, tum per se, tum cum dicto \circ *Fri & balsam. de Peru* mixtum. Atque hæc sine dubio causa est, cur à nonnullis ad *gangrenam & combustiones* commendetur. His vero succini usibus contenti mittimus illos effectus, qui citra duplex illud Medicinæ fundamentum, rationem & experientiam, eidem tribuuntur. Talis est vis probandi virginitatem, quam eidem adscribunt *Matthiolus in Diosc. & Albertus Magnus*. De mechanicis usibus succini latius disquirere nostri non est instituti: vel verbo tamen memorandum est artificium *Kerkringii*, qui succino liquato mediante cadavera integra à corruptione præservare & in eo tanquam mausoleo condere potuit, ut ipso iterum condensato pellucerent. Qua de re vid. *Morhof. in Epist. ad Langelottum*.

T A N T U M.

